


大清會典


五十七




內閣文庫			
函	冊	號	類
二	一	一八九九	漢書
四	二	一八九九	
一	一	一八九九	

內閣文庫			
函	冊	號	類
二	一	一八九九	漢書
五	二	一八九九	
九	一	一八九九	

內閣文庫			
番號	漢	1899	
冊數	141( 57)		
函號	295	1	









大清會典卷之六十三

禮部


羣祀一

淺草文庫

歷代帝王

廟在都城西阜成門內。舊制五室十六位。順治二年。增祀遼太祖金太祖金世宗元太祖明太祖共二十一位。從祀功臣。舊制三十四人。增斛羅粘沒忽幹里不徐達劉基共三十九人。春秋二仲。歲有常祭。十四年。駕親臨祭。儀載於後。

順治二年定。每年於春二月。秋八月。遣官致祭。





一前期十日。禮部題請。正殿遣承祭官一員。兩廡遣分獻官四員。今由太常寺。

一前期二日。禮部太常寺官。進齋戒牌。銅人如

常儀。今由太常寺。

皇上致齋二日。各衙門俱設齋戒牌。滿漢文武陪祀各官。各在家齋戒二日。如常儀。

一前期二日。太常寺官。補服。至犧牲所省牲。

一前期一日。禮部用白紙糊版。黃紙鑲邊。墨書

祝文。太常寺官補服捧起。御仗一對前導。送至

歷代帝王廟神庫內紅桌上安設。上香跪叩如常

儀。

一前期一日。禮部都察院太常寺光祿寺等官。

朝服上香。監視宰牲。

一正殿安設。

太昊伏羲氏

炎帝神農氏

黃帝軒轅氏  
以上三位為一室。

帝金天氏

帝高陽氏

帝高辛氏



帝陶唐氏

帝有虞氏

夏禹王

商湯王

周武王

漢高祖皇帝

漢光武皇帝

唐太宗皇帝

遼太祖皇帝

金太祖皇帝

以上五位為一室。

以上五位為一室。

金世宗皇帝

宋太祖皇帝

元太祖皇帝

元世祖皇帝

明太祖皇帝

一兩廡安設。

以上四位為一室。

以上四位為一室。

風后

臯陶

龍

伯益

傅說

召公奭

召穆公虎

張良

曹參

周勃

以上東廡第一壇。

力牧

夔

伯夷

伊尹

周公旦

太公望



方叔 蕭何 陳平 鄧禹

以上西廡第一壇。

馮異 房玄齡 李靖 李晟 許遠 韓世

忠 斛羅 幹里不 伯顏 劉基

以上東廡第二壇。

諸葛亮 杜如晦 郭子儀 張巡 曹彬

岳飛 粘沒忽 木華黎 徐達

以上西廡第二壇。

一正殿每室前陳設。

牛一 羊一 豕一 酒罇一

一正殿每位前陳設。

禮神帛一 白色 白磁爵三 登一 釧二 簋

二 簋二 籩十 豆十

一兩廡每壇前陳設。十位為一壇。末壇九位。

羊一 豕一 酒罇一

一兩廡每案前陳設。二位共一案。末獨一案。

帛一 白色 白磁爵三 釧二 簋一 籩一

籩四 豆四

一正祭日早。禮部太常寺官朝服於

歷代帝王各位前。一跪三叩頭。捧起



神牌於各座上安設。一跪三叩頭退。兩廡各位。不請神牌。止開帳幔。

一正祭日早。太常寺官朝服於神庫內祝案前。一跪三叩頭。捧起祝版於殿西祝案上安設。一跪三叩頭退。

一正祭日。太常寺贊引官對引官。引承祭官入右戟門。於臺堦上盥洗處盥手畢。引至拜位前立。引分獻官四員進右門。於承祭官後立。鴻臚寺官引陪祀各官進兩旁門。在階下分班排立。典儀唱樂舞生就位。執事官各司其事。武舞生引進。

贊引官贊就位。承祭官就拜位立。分獻官陪祀官俱就位序立。典儀唱迎神。協律郎唱舉迎神樂。奏雍平之章。樂作。贊引官贊跪。叩。興。承祭官分獻官陪祀官俱行三跪九叩頭禮。興。樂止。典儀唱奠帛。行初獻禮。協律郎唱舉初獻樂。奏安平之章。樂作。贊引官贊陞壇。引承祭官上東臺階。進左門。至。

太昊伏羲氏位前立。贊跪。承祭官跪。贊上香。司香官捧香盒跪於案左。承祭官舉柱香上爐內。又三上塊香畢。贊引官引至。



炎帝神農氏位前立。司香官跪於案左。承祭官照前上香畢。贊引官引至。

黃帝軒轅氏位前立。司香官跪於案右。承祭官照前上香畢。太常寺官於十八位。

帝王位前。各跪上香畢。贊引官引承祭官至。

太昊伏羲氏位前立。捧帛官跪於案左。贊引官贊奠帛。承祭官接帛拱舉。立獻畢。贊引官引承祭官至獻爵案前立。捧爵官跪於案左。贊引官贊獻爵。承祭官接爵拱舉。立獻畢。其餘各位前。俱太常寺官捧帛跪獻。各三叩頭退。捧爵立獻。供

各案前退。兩廡分獻官亦詣各位前。跪上香立獻帛爵畢。行一跪三叩頭禮。興。樂止。贊引官贊詣讀祝位。承祭官就位立。讀祝官詣祝案前。一跪三叩頭。捧祝版立案左。贊引官贊跪。承祭官分獻官陪祀官讀祝官俱跪。贊引官贊讀祝。讀祝官讀畢。捧舉祝版於

正位前跪安帛匣內。三叩頭退。樂作。贊引官贊叩興。承祭官分獻官陪祀官俱行三叩頭禮。興。贊引官贊復位。承祭官復位。分獻官亦復位立。樂

止。武舞生引退。典儀唱行亞獻禮。協律郎唱舉文舞生引進。



亞獻樂。奏中平之章。樂作。贊引官贊陞壇。引承祭官上東臺階。進左門。於

正位前立。獻爵。如初獻儀。太常寺官照前於各

位前獻爵畢。分獻官照前於兩廡獻爵畢。贊引官

贊復位。承祭官復位。分獻官亦復位立。樂止。典

儀唱行終獻禮。協律郎唱舉終獻樂。奏肅平之

章。樂作。贊引官贊陞壇。承祭官陞壇獻爵。如亞

獻儀。太常寺官及分獻官獻爵。各如亞獻儀畢。

贊引官贊復位。承祭官復位。分獻官亦復位立。

樂止。文舞生引退。典儀唱徹饌。協律郎唱舉徹饌樂。

奏凝平之章。樂作。徹饌訖。樂止。典儀唱送神。協

律郎唱舉送神樂。奏壽平之章。樂作。贊引官贊

跪。叩。興。承祭官分獻官陪祀官俱行三跪九叩

頭禮。興。樂止。典儀唱捧祝帛香饌。各恭詣燎位。

捧祝帛官至各

位前。一跪三叩頭。捧起在前。捧饌香官跪。不捧起

在後。依次捧送燎爐。樂作。承祭官退至西旁東

向立。分獻官退至兩旁立。俟祝帛過。承祭官復

位立。兩廡帛饌香亦依次捧送燎爐。贊引官贊

禮畢。樂止。衆官俱散。



一祭畢。太常寺官。至各

神位前。一跪三叩頭。捧

神牌。送至各龕。照舊安設。一跪三叩頭退。

一祭日早。太常寺官至

乾清門。徹齋戒牌。銅人收貯庫內。如常儀。○十四  
年。

皇上躬詣致祭。

一前期十日。禮部題請分獻官。

一前期八日。禮部題請交內院撰擬祝文。

一前期二日。禮部太常寺。進齋戒牌。銅人如常

儀。

上致齋二日。陪祀各官。俱齋戒二日。

一前期二日。禮部用白紙糊版。黃紙鑲邊。墨書

祝文。送內院。恭填

御名。是日。題請視祝版。

一前期一日。恭請

皇上御

中和殿。視祝版。如常儀。

一正祭日。太常寺預設牲醴香帛樂舞等。如常  
儀。鑿儀衛設鹵簿大駕。設



御幄於景德門外之左。

上乘輦由

西安門出。王等及內大臣隨後。不陪祀王以下各官俱於

西安門內分班序立。跪送。

駕至廟門。由中門入。至幄次降輦。盥手畢。更禮服。太

常寺贊引官對引官導

上由中門中道。至拜位前立。鴻臚寺官引王以下公

以上於殿前臺階上排立。分獻官及陪祀文武

各官於階下排立。典儀唱樂舞生就位。執事官

各司其事。

樂舞生進退如常儀

贊引官奏就位。

上就拜位立。典儀唱迎神。協律郎唱舉迎神樂。奏雍

平之章。樂作。贊引官奏上香。導

上詣香案前立。司香官捧香盒跪於案左。

上接柱香拱舉。上爐內。又三上塊香畢。贊引官奏復

位。

上復位。贊引官奏跪。叩。興。

上行二跪六叩頭禮。興。陪祀王以下各官及分獻官

俱隨行禮畢。樂止。典儀唱奠帛。行初獻禮。協律

郎唱舉初獻樂。奏安平之章。樂作。捧帛官跪獻



於各

神位前正中。捧爵官立獻。各退。樂止。贊引官奏跪。上跪。陪祀王以下各官及分獻官俱跪。贊引官贊讀。祝。讀祝官於祝案前。一跪三叩頭。捧祝文跪案左。讀畢。至

正位前跪安帛匣上。三叩頭退。樂作。贊引官奏叩興

上行三叩頭禮。興。陪祀王以下各官及分獻官俱隨行禮。興。樂止。典儀唱行亞獻禮。協律郎唱舉亞獻樂。奏中平之章。樂作。捧爵官獻爵於左。如初

獻儀。樂止。典儀唱行終獻禮。協律郎唱舉終獻樂。奏肅平之章。樂作。捧爵官獻爵於右。如亞獻儀。樂止。分獻官詣各位前分獻畢。太常寺卿進立壇東。西向。唱飲福受胙。贊引官奏詣飲福位導

上至飲福位立。奏跪。

上跪。捧酒胙官跪進於

上右。贊引官奏飲福酒。

上受爵拱舉。授左旁接爵官。奏受胙。

上受胙拱舉。授左旁接胙官。贊引官奏叩興。



上行三叩頭禮。興。衆官俱不隨叩。奏復位。

上復拜位立。樂作。奏跪叩興。

上行二跪六叩頭禮。興。陪祀王以下各官及分獻官

俱隨行禮畢。樂止。典儀唱徹饌。協律郎唱舉徹

饌樂。奏凝平之章。樂作。執事官徹饌訖。樂止。典

儀唱送神。協律郎唱舉送神樂。奏壽平之章。樂

作。贊引官奏跪叩興。

上行二跪六叩頭禮。興。陪祀王以下各官及分獻官

俱隨行禮畢。樂止。典儀唱捧祝帛饌各詣燎位。

樂作。捧祝帛官至各

正位前。一跪三叩頭。捧起祝帛。捧饌官捧饌。不贊

引官導

上轉立拜位東旁。祝帛過。

上復位立。祝帛焚半。贊引官奏禮畢。導

上入御幄。更衣陞輦。還宮。其不陪祀王以下各官。仍

於

西安門跪迎候

駕還宮。各退

一祝文

維 年 月 日



皇帝恭遣

致祭於

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏禹王

商湯王

周武王

漢高祖皇帝

漢光武皇帝

唐太宗皇帝

遼太祖皇帝

金太祖皇帝

金世宗皇帝

宋太祖皇帝

元太祖皇帝



元世祖皇帝

明太祖皇帝曰。仰惟

諸帝。昔皆奉

天撫世。創治安民。思不忘報。祭以春秋時。謹以牲帛酒醴

庶品之儀。致祭於

諸帝。尚

饗。

一樂章。

迎神樂。奏雍平之章

乘時兮極隆

造經綸兮顯庸

總古今兮一揆

貽大寶兮微躬

仰徽猷兮有嚴闕宮

儀羣帝兮後先

予稽首兮下風

奠帛初獻樂。奏安平之章

靈之來兮儼若盈

予仰止兮在廷

承筐篚兮既登

偃靈蓋兮結翠旌

鑒予情兮歆享

薦芳馨兮肅成

景行兮六龍

嘉氣兮曈曈

奠犧尊兮以笙以鏞

羣工肅兮屏營

惠我懿則兮允中



亞獻樂。奏中平之章

貳觴兮酒行

諸帝熙和兮悅成

念昔致治兮永清

瞻龍袞兮自天

紹錫兮嘉平

終獻樂。奏肅平之章

瑤爵兮獻終

萬舞洋洋兮沐清風

龍鸞徐整兮企予

嗣徽音兮何從

盼雲車兮緩移

示周行兮迪予衷

徹饌樂。奏凝平之章

饁肴烝兮畢升

五音會兮滿盈

禮將徹兮虔告

鑿孔忱兮載翼載登

送神樂。奏壽平之章

旛幢繚繞兮動回風

和鸞並馭兮歸天宮

五雲擁兮高馳翔

願回靈盼兮錫年豐

望燎樂。奏壽平之章

羣龍驟駕兮一氣中


焄蒿芬烈兮實冥通

望神光兮遙燭

惟終古兮是崇



帝王廟總圖




會典卷之三

十四




帝王廟祭祀圖





會典卷六十三

十五






正殿陳設圖










東西兩廡陳設圖



銅




簋





會典卷六十三











十七




簋



豆







先聖先師

康熙二十四年始祀

聖師十一位於

文華殿之東

傳心殿內其牌位神龕供器俱禮部會同太常寺

陳設

皇師伏羲氏

皇師神農氏

皇師軒轅氏

帝師陶唐氏



帝師有虞氏

王師夏禹王

王師商湯王

王師周文王

王師周武王聖位。正設南向。

先聖周公聖位。左旁西向。

先師孔子聖位。右旁東向。

前期。太常寺題請。遣禮部堂官一員致祭。凡遇仲春。仲秋。經筵。前一日。

皇上親詣傳心殿致祭。太常寺預行題請。派讀祝官。

祝文由內閣撰發。太常寺用白紙糊版。黃紙鑲邊。墨書。不填。

御名。太常寺官補服捧舉。御仗一對前導。自太常寺送至傳心殿。祝版房安設黃案上。一跪三叩頭退。

皇師

帝師

王師每位前供品。

禮神制帛一

白色

圓降真柱香。細降真塊香。

白磁爵三

銅一



醢醢一盤

鹿醢一盤

圓眼一盤

栗一盤

酒罇三

先聖周公

先師孔子每位前供品。

禮神制帛一

白色

圓降真柱香細降真塊香

白磁爵三

鋤一

圓眼一盤

栗一盤

酒罇三

祭日。太常寺堂官奏請詣祭。

上陞輿入

文華殿門。至東旁門降輿。贊引官對引官迎導。駕由景行門入。

傳心殿中門。於拜位前立。典儀唱執事官各司其事。捧香官捧香盒就各

聖位前旁立。贊引官奏就位。

上就拜位立。贊引官導

上詣

皇師伏羲氏位前。捧香官跪。贊引官奏上香。

上舉柱香上爐內。又三上塊香畢。次詣各



聖位前照前上香畢贊引官奏復位。

上復拜位立贊引官奏跪叩興。

上行二跪六叩頭禮興讀祝官前進一跪三叩頭捧

祝文至祝案左旁立贊引官奏跪。

上跪讀祝官亦跪贊引官贊讀祝讀畢捧祝版至

皇師伏羲氏位前跪安帛匣內三叩頭退贊引官

奏叩興。

上行三叩頭禮興贊引官奏跪叩興。

上行二跪六叩頭禮興典儀唱捧祝帛恭詣燎位捧

祝帛香官就各

聖位前跪捧祝帛官二叩頭捧香官不叩各捧起。

上轉至東旁西向立俟祝帛香過。

上復位立焚祝帛贊引官奏禮畢。

上乘輿還宮。○如遣官致祭在殿外行禮祝帛詣燎

位時轉立西旁其供獻行禮俱同。○每月朔望

太常寺堂官供酒菓上香燭。

一祝文。

維康熙 年歲次 月 日

皇帝謹告於

皇師伏羲氏



皇師神農氏

皇師軒轅氏

帝師陶唐氏

帝師有虞氏

王師夏禹王

王師商湯王

王師周文王

王師周武王

先聖周公

先師孔子聖位前曰兩儀既闢開治統道統之原千

聖同歸。建作君作師之極。自上古鴻濛而降。迄  
一中授受以來。

五帝開天。乘時而迭運。

三王治世。異尚而同功。制作大備於

元公。刪述集成於

宣聖。繼脩明之後。仰溯心傳。綜道法之詳。絢懷典學。  
羨牆如見。會列聖於一堂。俎豆用馨。紹斯文於  
萬禩。惟啓承之末賴。異陟降之匪遙。肅薦明禋。

伏祈

歆格。



禮部

禮部

禮部

禮部

禮部

禮部

禮部

禮部

禮部

大清會典卷之六十三

